

續修四庫全書

《續修四庫全書》編纂委員會編

續修四庫全書

上海古籍出版社

一六九二・集部・總集類

沅湘耆舊集二百卷（卷一百五至卷一百八十六）〔清〕鄧顯鶴輯……

沅湘耆舊集卷第一百五

新化鄧顯鶴湘臯編輯

長沙毛國翰青垣校訂

張華亭世法 三十三首

世法字平度號鶴泉湘潭人石園大令九鍵子乾隆癸未進士授房山知縣病歸起知寧夏縣以父艱去服闋再補華亭所至振刷吏胥無敢欺嘗語人曰甯從吏胥罵無懼鬼神誅其風概如此有瞻麓堂集六卷詩才力險峻亦復平正與專事鉤棘者有別

告朝那湫廟

沅湘耆舊集卷第一百五

朝那古秦縣西北有靈湫惠文使詛楚告神於陰幽是時楚方強三閭多賢謀能相昏不用自陷身繫囚非神褫其魄曷至罹慘憂湫神爲巫咸此義或愆尤池黜深莫極旱勞無沈浮吾聞神所棲理宜告安休土人愆雨澤乃用致禱求精誠嚴請命載拜瞻雲旂願神沛恩膏惠茲民田疇軒龍及文鳳百祀還千秋

華邑汧水辨

小水入大水兩水趨合流於名皆曰汧是汧所稱由吾觀禹貢中專通各不作會過渭洛彼義無旁求獨茲稱汧水逕屬渭兼收淵源溯南北雨儀山別瀝對峙豁重門東匯赴平疇三山並九峪其勢始宏適到涇除垢穢復見清

且河分台不相蒙有容德乃優激滌與半龍世莫爭堯傳美哉觀斯水以治古儀州自注兩儀兩山誌載南北對峙

寓平涼郡東郭侵晨聞有書聲朗然可愛知此地文教尙存亦守土者作興之化也

更漏聽未終書聲徹東壁朗朗玉琬琤傾耳叶韶律山泉清越禽鳥哢圓密得與靜器離倘然忘城邑伊余累塵障冠巾慵沐櫛積案紛排山殘編散一室偶然遊郊藪百里窮估嚙絃歌久廢缺瘠啞中奇疾何人變鶯音勸導慙無術爲愛鄰國衣莫叱齊門瑟居邦有賢仁光輝在蓬華布穀鳥至

鴻鈞根一氣囊籥日鼓吹空冥杳無端節候倏而至清風

沅湘耆舊集卷第一百五

遍隴頭一烏桑閒暇借問此何時春農催樹藝及畊理常業力作供王稅秉耒分既習督促復何事彼非有職司出入勞寤寐穀穀陂田閒筋力不得遂南疇方茁種東畝已吐穗百穀量歲功三時規政治誰其牧斯民提撕重所寄戴勝卽布穀鳥歐詩所云戴勝穀穀催春耨者是也或又云係織紉之鳥禮記月令戴勝降於桑乃言蠶事似與催耕無涉故補此作

有鳥天上來岸然首高幘猗猗桑正繁清陰蔭廣陌鳥飛啄桑甚率子相鳴嗑我聞烏好儀旭日羽毛澤彼職司織經其事在巾幘文章觀繡黻筐篚出幣帛婦功亦已勤蠶繭傲朝夕西人慣屬皮遂至女手戕微行何爰求誰復勞

案摘機杼無所用纖素不能尺鳥來空踟躕生意日已窄
視彼牆下桑淒涼五畝宅

祭厲

北邙山前高宰木石上麒麟噤烏囑轉眼榮華一旦空
烹祿養何太速馬醫夏畦鬼難貧子戴孫挑滿郊谷但令
死後邱壠高不憾生前年代促君不見長幡挂樹紙錢吹
野竈生烟麥飯熟

山城卽事戲簡幕中檢用朱竹垞集中江字韻

老馬未能脫重銜日食豆稽懸短楮我今衰晚纔一飽臥
聽更鼓催逢逢清晨起作四山賦仰見煙霧堆崕峴鶉鴝
啼樹城鎗啟朝嗽遲滯來寒窗平生夢遊在吳越仕宦每
沅湘耆舊集卷第一百五

沅湘耆舊集卷第一百五

三

不到名邦有口對人常囁嚅那更往復翻瀾江忽逢簷前
索酬唱好鳥聞關聲連雙一月但作十日飲太常齋免牽
肥瘠都虛豈學邯鄲步妙舞角戲尋翻撞陽春薤露清謳
發有似金玉鳴春擬酒兵塵屯愁陣破騷鬼出入睡魔降
其茲文墨擲刀筆豈必筆楚驚愚憑昨聞畚田告收穫
蔣又欲事耕耰入廟侑神欣報賽肩頸醕脯爭擔扛而我
亦憶鄉風好碧波菱芡浮輕艘羊裘深入富春渚釣臺千
古壽高撞何爲塵書排案積寒煙四壁燒殘釭門前誰更
施行馬羞對街皂紛持幢且將佳句供遲暮願伴楚客吟
萬石相看秋夜月末落河漢清淺橫天杠

宿長流水

長流流不斷砂磧馬蹏窮草入春猶沒山經雨亦童求音
集鳥到問徑罕人同薄暮停車處荒煙一縷中

題徐容軒彈琴小照兼贈遠官綬來之行

先生眞吏隱託興在枯桐獨嘯青天月翛然太古風此行
將萬里愁鬢已雙蓬欲續知音者高懷誰與同

重九夜久雨枕上卜將晴

擁被欲無寐沈疴漸覺輕鐸收殘雨盡雞唱曉風清已負
登高約還宜看菊情啁嘈問簷鵲天意得毋晴

閨笛

正是無聊際誰將一笛橫關山今夜月梅柳故園情冷雁
猶遲塞愁雲未啟城隴流更無盡空作斷腸聲

沅湘耆舊集卷第一百五

四

秋館

秋色滿平蕪驚心物候殊草閒瘖蟋蟀原上急鶉鴝塞逼
星光冷城荒劍氣孤夜來虛館夢常憶昔年無

華邑官齋卽事

山城烏集自啞啞到午無人且放衙冉冉三年將白首蕭
蕭九日又黃花文章老去思焚草風雨愁時夢到家料得
兒曹書一紙破余岑寂是天涯

此地暮春感事

孤負春光九十中桃花原不嫁東風平山失勢雲難住亂
水迷源路未通帶日歸鴉何草草避人野鹿亦恂恂無端
並逐塵蠶起茗椀詩瓢事又空

此邦

聞道此邦多嘯咷背人城郭向山腰
雲黃野路偃尋虎月黑孤村鬼叫鴉
老去英雄還閉閣閑來生事在歸樵
詩成莫問高軒過但有禪情破寂寥

公庭

槐陰清映兩三行門逕全深護曲廊
偶爲繡經來鹿女時從課雨見鳩郎
刑矜豈示蒲鞭辱役免何謠孔穴祥
好是春郊狹馬樂兒童騎上長官堂

晚霽

雨洗清秋澹遠空幽懷更在晚晴中
蔚藍欲寫皆真本絕壁何聲不古風
世事有無看覆鹿人生來去信征鴻
亦知

沅湘耆舊集卷第一百五

五

薄宦如浮梗且喜山城興未同

騰夫和章有莫拌詩骨瘦於藤之句
喜而致覆因以自戒

試看蒼藤裏欲穿對牆何更聳吟肩
五千卷有多文字三萬日能幾歲年
奇可驚人空復爾險曾泣鬼亦徒然
祇今未死尋常事莫說他時買值錢

平涼旅夜漫成

最是秋天不肖明蕭蕭白髮已潛生
人閒日豈回三舍枕上愁將到六更
嶽嶢崆峒誰訪道潺湲隴水舊聞聲
自嗟身事俱遲暮何復羈棲臥古城

余已解組乞歸杰兒又復千里遠來
旅寓棲遲意甚

蕭索作此示慰

年少因何有遠遊秦關隴水復淹留
書生不勝百夫長公子誰輕萬戶侯
破產今朝翻灑落罷官諸事且閑休
汝曹但看吾衰老莫羨輕肥得自由

海峯因余有索水仙詩乃更以詩見
拒余謂當此獨處之際正宜留伴清幽
也復依韻酬之

空將素質貯深春覲面還疑隔數塵
人去漢皇誰解語曲終江上更傷神
自注君斷茲一過矣榛苓不寄西方美
繁藻常依南澗濱一種芳魂託明月
思君祇合綰綦綦

更齋有遇 恩志喜詩以此索和爲依韻勞之

珍重時清未死身風霜雖古意常新
解驂自免越石父深

沅湘耆舊集卷第一百五

六

谷還高鄭子真詩卷拋殘千載後
釣竿投在五湖濱祇今伏檻甘從老
豈作長鳴更向人

三窟

衣褐終年髮未髡中山占籍舊文孫
廣寒久去無仙術陶復還經有鴈原
肯爲田君謀下薛免教公子出東門
菟裘何日身將老贏得輕價祇自存

擬於秋杪南行辭示諸子

嘶嘶草蟲牀下鳴去官張翰又思征
泰山到處難留客隴水從來只送行
咄嗟老年判百瀆破除歸袖喜雙清
退身何必五湖好莫學鴟夷漫改名

歸計

手版頻難見督郵經營尚有舊菟裘閑來免問塞翁馬老
去甘爲孺子牛楚國書歸輕衣錦玉門生度勝封侯行當
乞買鄰西地得種園蔬即便休

得歸憶舊

踏遍湖山戀傲廬倦歸吾亦愧簪條刁騷蟻已斑雙頰拓
落牙猶折半車厭病喜看新月吐懷人驚見曉星疎十年
聚散須臾事祇覺豪情不似初

歸途戲作遙寄內一綰

瞻麓堂閒雲在山懸知相晤定驚顏浪傳海上坡公死眞
見羌村杜老還休憶昔年恩怨語祇疑今日夢魂閒詩成
遙發妻孥笑歸去情懷嬾更頑

沅湘耆舊集卷第一百五

七

襄陽喜晤伯謙郝大兄

放懷天地酒盈樽僮僕喧呼客到門山簡接離餘興在襄
陽着舊幾人存慈雲護屋烏趨母霽雪添巢鶴引孫他日
幅巾容再拜登堂輸我與公尊

西涼曲

七月西風撲西涼清晨韋幙滿飛霜沙場白草無人割但
見蕃兒早放羊

旅次吟

邊城五月火山焚一望黃風捲白雲日暮賀蘭歸獵騎不
知誰是故將軍

不羨千頭種沐奴惟將一紙抵明珠從茲買棹湘江去勝

書五湖

歸興

小年常有氣如虹搔首青天興不窮今日名山翻對面竟
無長劍倚崆峒

黃河天際浪如雷華嶽峯頭蓮作臺每惜奚囊收不去空
教走馬向西來

周建水恭先三十七首

恭先字平山一字素芳新化人乾隆丙戌進士官
雲南建水知縣以事謫戍伊犁歸後布衣躬耕絕
跡不入城市嘗暑月耘於野偶憩柳陰下時值歲
試有罷試事歸者就詢試題或易其爲野老也挪

沅湘耆舊集卷第一百五

八

揄之亦不較也先生性恬澹胸次高雅爲當道所
重畢尙書沅總督湖廣時曾亟稱於某觀察延爲
子師會寶慶方郡試觀察因屬先生函于於郡守
先生聞之遂不令其子赴試其冷峭如此幼奇慧
九齡附縣學籍有神童之目宰建水甫半載即罷
重譴非其罪也與同邑吳樵蘭柴以詩交最篤蘭
翁專主才氣以雄博勝先生敘才鍊氣醞釀深厚
格律渾成雖遭意外貶斥久處塞外而出語和平
溫厚無激烈譏殺之音可以知所養矣

櫛髮行

空余不淑顛蹶已久自東徂西貽累皓首昔在離居茂臨

子丑遊歷遠陲維申及酉匪日匪旬曷云无咎顧此髮膚
眷言全受感悟遂晚事往心微莫昧我目莫捫我髀朝隨
塵軌暮侶羈雌蟾光屢逐烏影重追南山有葛北山有著
余髮種種余焉能爲有金其篋有象其揣豈曰爬梳庶理
塵翳昔在盛年恥聞屑髭如彼茂松甯合晚翠如彼幽蘭
雪霜是悴藐藐人生飄飄如寄毋歎我履毋正我冠悠悠
水許淞淞雲端維鯁與鯁維鳳與鸞以游以泳其往其還
何以銷憂惟有閉關何以相思努力加餐

雪夜有懷

暮霧障遙岑橫颺颺空碧闔戶鎖天倪括囊鉗地脈履霜
陰始疑呵凍氣相迫奄忽集如霰迴旋舞增劇惺忪龍女
沈湘耆舊集卷第一百五

九

淚縹渺飛瓊屑誰爲碎剪刀漂此殘魂魄飛步灑簾櫳遺
蹤侵荒席乘元恣浩蕩委隊成堆積歷險冒崔嵬徑斜穿
逼窄檐溜綴琴檠冰漸澆陂澤鏤續奇紛錯融冶鑄罅隙
鵝肪染翠綠烏卵迷朝白雷電早收威魚龍猥屏跡壁壘
失堪輿虹洞平潮沙地迴擴遐荒圖窮侈版籍蒲海絕三
邊靈山妥千尺峻危馳折坂斥鹵連沙磧原野轉焦遠村
屯杳蕭索野農占來稔逐客傷遠謫駕馬尙銜錢棲禽方
墮翮曉隨雄雉飛暮侶寒蛩咽土屋藉存身敝裘姑掩骼
鈴閣擁幃帷軍門森劍戟羽書日沈傳公譏時暖席閒筵
集僚幕舉竿相夷憚積照疑勾闌浮光映銜壁絲竹發清
響羅綺懸高格賞茲肌骨瘦姪彼華容驀罷舞競吹炯

娜顏茲赫深夜幾同問沈憂豈堪釋祇添羌管愁詎等旗
亭畫人事耶堪憶世途安可擇前修夙云暮塵累人思片
落落五湖帆縷縷千巖柵欵乃聽漁歌飄飄訪仙宅藉草
覘星文飲露貪雲液車馬不聞喧柳雪何煩噴夢想結千
場投軀只一擲悲哉渡海帆笏矣尋山屐孤負紫芝心潦
倒黃牛草慾往動樵胸飲淚恒乖膈君子道何尤鮮民生
枉惜對榻語誰共明燈影虛隻戍鼓雞颺颺邊笳助暗啞
番餉苦侏離羶暈強燔炙酒醅摧心肝煤煙創瘡疫纏彼
玉門關邈然藐姑射恍惚感神明悽愴動金石何以寫我
懷願借繞朝策

短歌行贈張湘樓前輩曹雲瀾司馬

沈湘耆舊集卷第一百五

十

雪山有大牛力如龍與象澡雪無纖垢煙雲足供養我夢
乘之遊元關時蕩蕩路逢寒山子問言執其轡大笑呼蒼
天應貞跡可仰臨崖俯絕域方圖指諸掌穴穿螻蟻封雲
霄珊瑚網昔時海上人英風貫霄壤碑碣幾畱存助名付
榛莽感此長歎息覺來神惚恍我家本南國雲水相泱泱
回首憶兒童釣遊何偶儻浪跡淪大荒起坐悲罔兩志沮
形復穢有愧甯神像况逢寒氣驕出門迷所嚮卓哉兩夫
子精神何壯往揮戈邁魯陽探珠窮象罔蒼蠹矢無遺發
數技方養胡爲同此軀一弱一偏強杯酒謝煩懷齋室恣
存想矯首望衡廬欲搏扶搖上君還相訪來爲挾青龍杖

喜雨獨酌

北風天上來飛雨隨塵潑列缺走牆藩雷車徒轟轆火繳
卻炎官神潢收女魃窗戶有餘清眉眼頓軒豁平生頗嗜
酒與被囂氛奪八虛竹篠飲多病茂陵渴陶然午夢醒聽
彼簷溜活雖無瓜與李朋賞共喧聒樽中喜不空蘭英猶
可撥一酌聊自勉三杯神愈脫恍然中聖人現我優曇鉢
雨過酒微醺浩歌響禪閣

望博克達山遺懷有作

自注

我隨雪山行蒼茫鬱無已終春徂始秋延衰幾萬里弛節
望崦嵫倉皇訊居止穹廬伊枕宿壘土築基址四野莽蕭
索寒峯當戶起巖巖插天關屹屹聯雪壘晶光蕩紅輪嚴
威森獬廌白帝颺袞衣玉妃陳綺綺霜女弄鬢秋龍蟠
沅湘耆舊集卷第一百五

十一

謁詭紅霓披嶠嶠朝雨羃青紫殷雷鼓長風霏霰鳴千里
鳳栗凝堅城焙煖無殘藥聞之此邦人積歲不可紀芒屨
罕登陟柴望絕裡祀靈氣有莫秘雄藩拓邊鄙煌煌

天語昭肇稱依泰時培塿千萬峯穹然揭崖巋歸遂令勒燕
然掃地除壇壝喬雲妥仙關洪渠渴靈水石澗走飛泉
幽澄清澤萬仞聳無崖兩城角且倚三十六國地俯首如
奴婢早歲慕衡廬結契尋圭旨五蓋發遊蒙騰虛跨綠駟
飛錫躡應貞撫頂摩法喜落落憩松蔭淋淋敲石髓掘閭
惡蟬蟬棄之如敝屣此志未及就冥幸遭良趾八月廣陵
游橫波盪菰米嚴冬氣逼抑猗猗摧梗杞昨者過嵩華遂
歷秦隴坻名山高士多幽巖何鬱美綿邈訪崕峒長蹕廣

成子竭來弓影虛墮翻將安委疏屬感荒唐舊原愆畏
敢希迦葉飯漱池勞帝指庶得浣棄衣寶樹低可倚法雲
陰大荒慧日照羅羅高岸倘可登五行當一駛

遊仙

少華不盡太華連山椒雲接崑崙巔萬里一息落青鳥金
泥玉簡開瓊筵瑤池一宴三千年搖光刺酒蟠桃鮮東方
小兒空懊惱墮落人寰稱地仙義和已入蟾蜍續綵女如
花歡未足沈香甲煎飛談光化作陽和調玉燭七襄雲錦
閒天孫此日北宮邀上元天桴不槌鼓聲寂寂支機石上畱
霓痕瑤池水碧瑤航歇斑鱗輦上絲絲髮雙成萼綠悄無
言倏墜雲鬢弄煙月三十六洞連層城帝閭啟鐻聲噲
沅湘耆舊集卷第一百五

十二

凌風一展翺天翼手把芙蓉朝太清

辛丑三月將發往烏魯木齊畱別獄中前保山王明
府錫

冀北空羣馬荆南一羽毛伏櫪思千里長鳴震九皇天長
地闊兩無極各攬皇天問消息霜蹄蹴踘隴雲間修趾洪
矯間風側豈知牢落風塵裏敝帷慘澹虛弓起君今逮繫
已七年我竄新疆萬餘里君悲兩鬢色垂絲我亦矇矓望
眼眇相逢各有傷心事洗日回天知誰是雲南風氣更淒
涼自冬小雪徂春盡飲冰嚼雪爲誰來茗酌楸枰煞風景
皇仁遠覆直如天花落重生月缺圓此日浮雲滿
張那知不有清風旋江南喜聽音書好我亦離巢盼仙

伸眉把臂會有時努力加餐莫令老

辛丑五日滇城讌集兼懷舊遊感成長句

四載之內兩端陽綠蒲黃黍稷同鄉西南萬里止絕塞魂
招不到楚天長人生最苦遠離別回羅不散真憂傷主客
浮杯眼空白有酒盈瓶各盡觴吹我桓伊笛踞我管甯牀
一曲折楊柳滂沱淚滿裳公冶南山悲孽鳥鄒陽五月飛
秋霜煙花落日不相待年來年去朱顏改索米摧頽憶舊
遊金魚幾向富壚解五噫處士出都門昨昔相知幾人在
卻憶中郎覓虎賁乘興還從捉老兵龍舟不見瀟湘遠誰
家鼙鼓空司礪西海長風捲地來昆明水沸魚龍哀圓通
寺頂最高處欄花遠映荷花開旗旄夾道紛指點王壺金
元湘耆舊集卷第一百五

登紅山

昔者祝融肆征戰彤幘紫霧奔如電共工怒走不周山維
傾柱折乾坤變茲地豈其營壘與劫火沈灰徧荒甸五月
草木酷不生千歲萬壑如燔煉紅山兀矗兩城間三十六
國如絃圖西盡烏弋瞰日入茫茫紫微燠天關涿瀋晚渡
驚應起振野橫沙斷流水蕭蕭古牧雜新屯笛聲慘澹悲

片兒分勢屬國勦螭蟻驃騎輕車軼世奇鐫功勒石紀陳
迹碑版摩挲屬阿誰龍堆棧鬱英風沒古來名將俱消歇
長風吹渡隴西頭只今惟有關山月

湘樓先生以酒餉雲閣司馬司馬復以詩招余因次
其韻酬之

湘樓白髮賁如皤談元縱酒如懸河近得雲瀾紫塞客草
創十笏爲行窠竟談終夕靡辭久興酣呼取紅文螺蚶牛
之肚芣苢新韭芽薑配子鵝主人高興及旁客遂令滿
座朱顏酡搜奇探韻競咀嚼醇醪在口如鹹醢奮衣拂筆
起高生嗟我小生何惜撻九州蹤跡餘幾許平生慷慨徒
悲歌謫仙放蕩頗自若少陵坦率誰能訶慕天席地且快
元湘耆舊集卷第一百五

意酒兵自可伏百魔昨者黃封上玉陛片簡或可延
恩波漁戲只應追漫叟吏隱何緣謝蠅坡感君折簡復相
召上客攜君屢見過良辰佳會豈常有諷君嘉韻勤吟哦
風流王阮雙絕迹我愧公榮將奈何壁間勝事可刊刻幸
煩鬼物爲搗呵洞庭春色了在眼行將去此乘龍驤

庭州東城巡政弟士咸以生魚見贈賦長句答之

庭州二月冰初泮策策堂堂魚可貫忽聞使者來叩門遺
我數鱗長尺半頗稱佳酥白妾鮮似從丙穴仇池節吾宗
單父樂朋賓率簡鮓鱗開宴衍春濤森森劃分城偶憶羈
孤供薄饗攜來瀉水注瓶中水持交橫潛影亂霜刀袖拂
不忍揮愛此噉啍資飽玩饕人縷切爛銀絲雪花紅肌生

官脫鄰家酒熟饗初開佐我流匙香滿案僕本煙波一釣徒久慣沉竿兼續緱蒙莊自解豪梁樂次山永結筇筍漫笠簷衰袂幾時還使余心在江湖畔

春晚出遊寄南中諸友

三月已盡楊花開微風拂近短梢來爭枝啁雀不忍去行人繞樹心悠哉沉吟淥水遊春曲載歌樂府臨高臺杳杳江干黃竹子蕭蕭隴外白龍堆龍堆隱伏征夷墳蒼茫遠塞長城脈義陽博望委塵灰安遠長羅空易奕只今柳眼對誰青惟有山髭虛點白山髭點白幾經秋年來年去在淹留白草原中看走馬黃花戍裏聽鳴鳩萬里關山雙蠟屐半牀風雨一瓊裘含淒只自憐春晚乘興還爲賦遠遊

沈湘耆舊集

卷第一百五

七

感秋

風日淒淒秋氣高奔走墮地金神勞荷青芷白畱不得嚴晨慘澹霜飛袍城頭日暮羌聲起笳鼓轟轟振邊鄙但聞野鳥叫雕闌不見潛魚起清水滂滂銀潢愁一派靈車已度星妃在停梭中夜悄誰聞恨啟湘簾魂欲碎桂光迢遞幾回圓浪乘仙舸憶嬋娟天宮咫尺不相問縱舞霓裳亦可憐山髭瘦老芳華歇洞冷泉深鎖幽咽一聲孤鶴倚雲空遺響悲風心斷絕

八月雜詩三首

八月清光迴登高覽薊邱島開滄海日天接太行秋畫省風雲合煙城草樹浮冥冥千里外鷓鴣起中洲漠漠西風起雙雙海燕飛小堂春夢遠秋社旅魂歸北里朝鳴玉南隣夜掃衣迢迢星漢女軋軋未停機太白當西轉高樓獨坐看天低螢火亂秋老角聲寒子夜歌初發葡萄酒未乾功名感意氣長劍倚雲端

疊寶道中

西望咸陽去霜侵兩鬢斑曉雲分太華落月下函關九影通方軌雞聲度遠山鄉園一回首乘傳幾時還

西征

沈湘耆舊集

卷第一百五

七

出塞經三月圓規第五弦沙平疑泛海星滿欲行天一輩曇摩影橫槎漢使年蒼茫何所似中夜不成眠

地窩鋪晚歸卽事

景短風迴厲天空塞迴平戍樓煙際出飛騎雪中行路抱西山轉城連北斗傾戴星緣底事總轡聽殘更

次雲濶塞垣玩月

朗咏人千里嬋娟思不窮樹鴉棲冷露邊馬動秋風古道盤迴出寒山遠近空莫教楊柳岸重唱大江東

早起

樹密雞棲曉簾深燕語微近衙鳴小鼓遠岫上朝暉萬里青齊劍三年白板扉栗新瓜已熟或者賦東歸

野水

野水通沙漠溪行費溯洄氣清蒲海近濤放雪山來攬佩
懷芳草漂流歎腐荇河梁千載思日暮使人哀

閩笳

笳聲起天末壯士獨登臺寒眺遠山動悲呼暝色來變衰
搖草樹號令撼風雷不是聞羌笛橫吹阿鞞迴

和吳蘭柴過常山作

太行東下俯蒼冥正定城高壓井陘萬里河山歸睥睨百
年烽火靜郊垌遠帆落照滹沱水匹馬秋風麥飯亭欲訪
居人尋舊事酒帘垂處柳青青

磁州道中

沅湘耆舊集卷第一百五

七

渺渺長征歷幾邱黃沙飛盡眼初留邯鄲北走燕臺道漳
滏東臨鄴下流紅稻雨餘秋色遠碧荷風動晚香浮雄圖
往事知多少沃野應輸第一州

西湖夜泊

蘆荻洲前喚奈何五年歸夢客愁多黃陵古廟深秋雨青
草重湖入夜波帝子有情悲落木天吳何處吼鼉鼉停船
倚棹誰相問羨爾漁翁泛綠莎

甯別同寅諸君子

行行策蹇出荒陬一顧滇城涕暗流雙塔寺前深夜雨五
華山外暮雲秋休官強作同僚語出塞還爲萬里遊甯酒
羣公高會日莫教檀板唱涼州

五日

五清明後五端陽昔日都門泛羽觴豈謂隻身辭鳳闕
翩然萬里出龍荒驚心隴雁皆愁侶回首燕山是故鄉那
訪大通橋畔客重招把盞話離腸

晚秋

長風吹墜隴西頭五載戎軒役未休幾度角聲悲永夜無
邊月影動高秋城臨象緯搖天關海傍雲山擁戍樓慷慨
少陵歌出塞定誰投筆取封侯

過友人舊居

不才自合此偷閒身事依違古戍間歷氣遠通蒲類海雪
峯高枕鐵門關論交已負三生約知我誰開五載顏會面
沅湘耆舊集卷第一百五

六

偶然仍別去煙蘿何許共君還

早發山丹

海氣青青驃騎營燕支山下曉煙生平番舊築三邊戍飲
馬今開萬里城紫塞四周埋土屋黃羊滿地索枯莖車輪
日轉情何極翹首甘西遞遠征

咸陽懷古次壁上韻

踐華因河舊帝都銷兵已盡復何虞自從驛使逢山鬼遂
許羣雄問獨夫三戶未曾興項籍長城先爲寢扶蘇素車
肉袒降王役銀海金龜事有無

五日八道溝中

白崖土人呼爲昌水

雪山舊壁三邊戍昌水行逢五日流白酒青蒿何處是不

望同首望甘州

庭州詞

賜聖羣稱天可汗當年四鎮等虬蟠可憐百戰黃沙地過
眼全無片石刊

身輕絕域取通侯大漠風高海水秋羌笛曾聞怨楊柳唐

人只解唱涼州

花門遺種俗如何鹵莽連山結構多捫馬帳中銷酪母鳴

鞭磧上舞蠻韉

尋幕瓊裘劇可誇牛羊滿地即生涯神仙鎮上無春草戎

已營邊有暮鴉

沅湘耆舊集卷第一百五

九

沅湘耆舊集卷第一百五終

沅湘耆舊集卷一百六

新化鄧顯鶴相臯編輯

長沙毛國翰青垣校訂

吳新泰思樹 七首

思樹字尙松一字建軒新化人乾隆辛卯進士官

岳州府教授山東新泰縣知縣先生生有異稟少

時其世父授以習靜法枯坐如禪律久之於書過

目不忘經史外泛衍百家傳記旁及道藏佛經無

不流覽尤精天官星算推步之法當乾隆中大興

朱學士筠以古學倡天下門下多淹博士先生會

試貢出其門獨退然不自有學士陰察之乃自以

沅湘耆舊集卷第一百六

爲不及然世之知者渺矣性迂緩官新泰甫三月

星吏議賠累鉅萬窮老以終著作亦散佚不可問

矣余所見先生上學士書知其會著有通史千卷

其書卷帙已成將求學士上諸 朝未果今吾邑

人乃不知有此書其他更無論矣矢詩不多偶存

一二亦深厚無淺語

登維山

南陸和薰轉炎曦熾懸熾黍稷被鳥徑蟻絲冒人面懷陰

息密翳尋響消華炫言攜塵外衣肅此空中弁俯立驚雷

殷前望知雲變遙碧望沈浮奔青屹轉輾高文不可分潏

野倏將過蚋則鬱深寺藿靡慙寒院遠景足嬉素幽宿雷

清宴

嶽麓懷古

紫陽之山何犖嶭萬里扶搖拂氛濁雲氣彌連鹿洞深雨聲夜向瀟湘落湖南清絕古潭州漢水下江相堰流近近廉溪遠伊洛溯洞共作湘中浮臺懸絕巖赫曦起亭橫半嶺高明時渡口秋蘭帶水青洲頭翠橘含煙紫滿院茲歌詠洙泗摩挲禹碑註綠字昔書監廟早徵書後來秘閣胡垂翅志完夜火寺僧迎豈如使節軫車行至今曲渚飛花裏猶有當年鼓棹情

資江早發過茱萸灘卽事

邵州城下東山址邵江流入都梁水曉舟縱棹入寒空浮

沅湘耆舊集卷第一百六

上

蒲晏秋天光裏沿流興發歌吟聲瀑泉捲雪飛黃肩兩亭翠峯如虎臥或如欲搏孤罷陸中流惡石更楚楚跳珠激雪折柔艣胸目迴驚濤欲豎安危但信天公主乘船擊太透重灣轉索振舵如等閒藤龍窈窕兩面薛虎斑離漏日顏百里懸端東山麓更有崖門撐洞曲山隘猶觀峽角青依平始愛皺紋絲布帆盡日人悄悄野樹潄快漁艇小一樓藍拖古霧深千山翠疊春曦早溪村三四覆林宮石罅青帘颺樹杪舟子搖槳發棹歌繫蓬楊柳更如何

遊文斤山

典午東西日飛鳧仙令高浮邱還左挹林慮正潛逃懸尋王道節不佩呂虔刀北望蘇門枉鷲音一嘯豪

底事清談盛喧爭第一流黃花偏傲晚紅葉已驚秋石梅

諸龜足崖門骨虎頭許支空論難還向此中求
古道來冬杪閑亭倚夕陽林空孤下鶴石立欲成羊霧洞
素人避禮祠晉代荒何時稅塵駕幽息白雲鄉
羽客吾宗在邀將醉玉酬水沈眞鴛鴦煙起澹芭蕉抱月
生雙翼浮天入一壺丁丁聞落子豈有爛柯孤

吳編修俊升十五首

俊升字宅三號芷泉沅江人乾隆辛卯進士改庶吉士授編修芷泉好學深思淹貫經史在詞垣未久卒於官未竟所學詩和平樂易不事鉤棘自饒

風格

沅湘耆舊集卷第一百六

三

明山

蕭騷夜山後清氣相盪磨孤峯起平野百里無坡陀澄江浸其趾村落散其阿上有前明寺微茫鐘梵過荒徑飛簷扶短牆延薛蘿好風一回蒨漁樵時和歌愧彼市塵轍茲安樂窩新醅足酬酢僻壤共婆娑岡岫豈在高回首已嵯峨誓尋衡嶽麓更棹洞庭波

遊景星亭

蜿蜿蜿蜒洞庭西慶雲山下晚雲低岡勢欲連隴忽斷青巖白矜覓幽蹊迤迤漸度篋簪谷鷲地梵宮拓心日蒼松百尺吼蚪龍古壁千年穴蝙蝠當時象教衍南能色界莊嚴護一燈劫後已無多寶塔客來只見六朝僧僧言靜境

開前代兵燹滄桑真可慨虎豹周遭人迹稀頭陀去住辨
香在曾聞唐虞之世歌景星此刹偶爾得嘉名木魚夜冷
敲殘夢貝葉春深記太平神仙每降七仙祠枯葦幾局琴
三弄樵柯欲爛響寒泉日月相催老賓送只今暮雨復晨
風人閒久絕地天通我來聊爲訪花鳥疏鐘一聲萬壑紅

望洞庭

洞庭遙入望千里浪翻銀渺渺巴陵道沈沈夢澤春江山
雄霸國草木怨詞人挂席斜陽外乘風欲問津

赤山漁家

一片閒雲裏悠然樂遁樓漁爭流上下家接塢東西落日
依沙鷺清風趁竹雞桃花三月浪欲訪武陵溪

沅湘耆舊集卷第一百六

四

通慧寺

蒼涼平野望招提岸蓼汀鳬水四圍石徑行來紅葉滿鐘
聲斷處白雲飛廚寒芋火僧慵慣戶罨蛛絲客到稀賸有
一灣明月在殷勤相逐送余歸

鼎城詠懷

玉帶津通秀水流一方文物景前修寓賢高閣客談道歸
老小橋人倦遊珠履不來黃歇墓太奴猶對李衡洲數千
年過如彈指遺事茫茫問白頭

和秋浦席閒贈尹莘田元韻

一座芳談不礙喧荷深徙倚月臨軒雲龍上下追韓孟風
雅騰驤接李溫杜曲秋高塵外傾湖南草綠客中論黃花

似我清如許賴有良朋共酒尊

鄴中懷古

碧草黃沙古鄴中當途遺蹟久成空莫年開足三分勢當
日鳴張一世雄老去詩歌多霸氣中原人物入牢籠孔融
歿後亡男子漳水東流憾不窮

銅爵臺

南飛烏爵北流淅遠上荒臺憶舊時百戰江山雄顧盼一
家父子足追隨香消總帳美人老草偃春風清角悲過客
可能存片瓦擘箋新製魏宮詞

武城道中

遠泛黃河千里查更畱蹤蹟滿天涯江村卯酒十餘盞豆
沅湘耆舊集卷第一百六

五

圃午炊三數家雨後枯棹閒古井秋來楊柳帶昏雅山川
到處新相識記取遊人玩物華

蚤抵王家營渡河

晨光欲渡憾熹微水國秋深人未歸斷續荒雞曉野店冥
濛墜露溼征衣風寒渡口潮初落稻熟河濱蟹正肥底事
艱難歎行路關山愁絕白雲飛

揚州懷古

江南鉛粉北燕支直到東都無盡期金帶幾逢開芍藥瓊
花猶記滿番釐千秋詞客鮑明遠一代風流杜牧之欲訪
昔人遊賞處山堂水榭雨如絲

噪磯靈澤夫人祠

崎嶇石徑鎖寒蕪四壁殘陽照影孤
精衛幾年填碧海女英終古望蒼梧
吳江楓落魂俱冷蜀道鵲啼血已枯
香渺岷峩通一綫泝流曾到永安無

維揚雨泊次日將抵金陵

邗上鶻愁廿四橋滿城煙雨夢魂消
梅花嶺畔笳初落春草宮中柳自彫
幾度朔風吹過客雙飛蘭棹破寒潮
酒瓶詩社恩恩去明日縈懷是六朝

臺城懷古

江左偏安閨位終臺城迤邐望無窮
西天貝葉書猶在南園金華殿已空
牧夢遠牽鍾阜月漁歌低度後湖風
遊人莫問蕭梁事白馬青絲怨技童

沅湘耆舊集卷第一百六

木

龔檢討大萬三十一首

大萬字體六號秋浦武陵人乾隆辛卯進士改庶吉士授檢討充武英殿三通國史館纂修典試廣西大考休致純廟東巡召試行在授中書補內閣典籍假歸不復出檢討少孤家貧力學矜尚氣節初充乙酉拔貢官承順訓導卽有盛名暨入翰林浮沈玉署二十年未展所蓄人咸惜之所著書多散佚僅存賜扇樓草再遊粵西草二卷

紀夢有引

丁未八月廿八夜夢有人贈予以牙管素豪筆長頭銳頭其製迥異尋常謂予曰此白龍鬚也賦此紀其事

何來漢陽作遊客使臣試院假三月堂額新題自白華知

是鍾陵舊時宅原注鍾陵先生孫旒鍾陵文筆本朝雄名以宅轅官建試院

堂流萬理未通原注吳白華前輩推先生時文取少陵不廢江河萬古流之義名其堂曰流萬

取萬古江河義兆我流寓名斯同人生去住良非偶一見

驚心定數有頽然自放開胸襟日題詩兼醉酒涼秋結

伴覽山川秉燭歸來夜半眠唧唧商聲猶在戶蘧蘧莊夢

便遊仙八月廿入夜初寐有客麗眉貌純粹欣然贈我筆

異常頭管修長約尺二管以牙琢比玉肪頭是銀豪勝霜

穗照人光彩生寒芒試穎剛柔總如意卻前鄭重還致辭

名白龍鬚君須記醒時指肘向凌風訊之占夢云兆文章

瑞我聞鼠鬚右車寶千金不換蘭亭稿及聞麟角賜張華

沅湘耆舊集卷第一百六

七

博物當時盛文藻朝鮮使者我舊交獵豪貽贈稱佳好臨

池三絕我一無敢向龍堂乞新造平生廟落杜陵人大筆

爲予記夢因長歌鬱勃露光怪附會典故何鱗鱗文通秘

授生花巧東野傍看吞篆真伊嗟昌黎景純何敢擬茲事

因由或有以先輩大名宇宙垂故宅精靈猶在邇以白喻

伯隱其辭撚得吟鬚惠後起白華之論熊先生詩僅一二

具杜理又謂古文非所長此論非公吾不喜穀貽堂集富

遺文允配黃岡俎豆芳鸞鶴翔雲終落落蟬蚺撼樹徒紛

紛雄風入夢亦足張吾軍

讀蔡昌橋進士三樹堂七古題後

我友銀臺錢南園談敲直欲窮河源文章盛推楚人後須

西蜀人才繁我思此語非杜撰竊取其義縱橫言老莊
屈宋誇接武相如子雲追高騫六朝蟬噪不足貴唐初子
昂巍然尊同時李杜兩作者光燄萬丈扶桑敷蘇家父子
續宋代濂溪立說開南軒勝朝西涯雄館閣升庵振響據
煩冤國初撥科重制藝熊劉首出昭蒙屯靜琳翰林出蜀
產大科六十魁中原二千年來壇坫主楚蜀迭長稱雄藩
豈乏海內鴻俊彥一似鼻祖先雲孫我交蜀賢頗云數海
山歿後蓮果存一紀前識蔡進士青城家世清華門翩然
少年負俠氣長安歌館忘朝昏千金用盡蘇季子一石亦
醉淳于攄爾來客遊江漢上心神契闊殊寒暄示我長句
剛十首大筆斧斧波濤喧巴峽一瀉千萬里雲夢已足入
沅湘香舊集卷第一百六

八

九吞十年不見何拓落一夕快讀傾瑤尊我慙拳曲不中
墨君才干霄蔽日蟠仙根我詩錚錚同細響君如黃鐘大
呂偕篪塤我是轅下駒局促君真追風絕跡天馬奔吁嗟
蜀人才凋今如此使我重刷舌本恣瀾翻會聞飯顆山前
作詩苦至今齒冷青蓮魂文章盛衰關氣運亦助山水橫
乾坤便欲移君高峯三十六置我武陵桃花源更欲倒傾
瞿塘豔瀕三峽水滴滴手障歸湘沅再展胸臆狂騰掀與
君騎鶴排天闥對樹旗幟塵鞭韃一掃塵世煙煤痕銀臺
近司文事吾省垣馳兩人詩重評論

題周策東美人圖

花姨月姊紛靈怪禪定年來空色界何物珊瑚紙上來香

風自崑崙蘭佩傳聞下嫁杜蘭香龍笛驚笙太渺茫耿耿
星河人欲靜遲遲銅漏夜初長周郎顧曲翩然起赤壁燒
兵灰未死大喬婉孌自春深冷落漳河一條水趙家輕瘦
玉環肥骨肉停勻定洛妃薄命可憐留額暈消魂無那認
腰圍平生俠氣驚虹電酒胃詩腸怯留戀傾國佳人世上
無三十年前眼曾見昨宵大雪正漫天團扇秋來久欲捐
記取天寒翠袖薄好燒紅燭照清眠

衡山舟中曉望二首

長夜不成寐船窗小月明岸花醒酒氣人語落江聲作客
經年慣閒愁鎮日生又逢佳節近惆悵故園情

遙望衡山郭參差傍水樓酒帘風一片帆影見雙鉤嶽氣

沅湘香舊集卷第一百六

九

通青漢江心劃碧流昔年軒蓋過未抵此扁舟

答人用衡山舟中韻

共作南天客吹髮古寺樓稻花連石磴榕影上簾鉤得句
粵山遠懷人湘水流與君沽美酒同上木蘭舟

牛鼻灘口

明月隨歸雁清沅返客舟市鐙依岸近鄉語隔江稠問歲
登禾後懷人落葉秋柴門欣在望風雨慰離愁

送瑞臺弟南旋

兩世無兄弟吾生幸與偕丁零從小辛苦慰情懷客路
炎蒸重鄉心景物佳去留都繾綣別淚忍重揩
與汝初生後無錐五十年經營勞築室安樂始耕田官况